


關里志

九之十一





漢書門				
類	號	函	架	冊
二	二	六	九	一
五	五	〇	〇	〇
〇	〇	〇	〇	〇

內閣文庫			
漢	書	類	號
二	二	六	九
五	五	〇	〇
〇	〇	〇	〇
〇	〇	〇	〇
〇	〇	〇	〇

內閣文庫	
番號	漢 2265
冊數	10 (3)
函號	287 58

共十本






關里誌卷之九

人物誌

淺草文庫

敘曰吾夫子肇濬靈源俯聳神緒當其時續服
 於過庭繩武於負薪者尚已三千年來昭穆之
 胤雲耳之孫振振蟄蟄要皆梧桐之新枝羣屨
 之似續也時中之軌固翹首莫企矣然被服祖
 訓漸摩家學得其一體列於四珍者代不乏人
 或班聯清貫白額爲能兀宗或器華明堂青箱
 足以秀世孰非聲華譜謀冠冕宗門者乎倘不
 指述而臚列之將令寶曹齊伍於田僅鴻雋混

迹於樸樾非所以昭先德而示遐裔矣詩云無
念爾祖聿修厥德奕世濟美是又所望於後之
幹蠱者云作人物誌



關里誌卷之九

聞達子孫

九代樹字子文鮒幼弟兄弟自為師友

十代隨字元路鮒子承殷後為宋公

聚一名字子產樹子為漢王將軍破項羽垓

下漢王即帝位以功封蓼侯史所謂孔將軍

居左是也年五十三謚曰夷舊謚作惠

十一代臧聚子嗣蓼侯歷位九卿武帝時遷御

史大夫辭曰臣世以經學為家相承作訓法

今俗儒繁說遠本雜以妖妄難以為訓侍中

安國受詔綴集古義臣乞爲太常典臣家業
與安國紀綱古訓使永垂來嗣帝重違其意
拜太常典禮賜如三公在官數年卒著書十
篇賦二十篇

安國字子國忠子治尚書嘗爲武帝博士魯
共王欲壞孔子舊宅於壁中得古文虞夏商
周之書及傳論語孝經乃不壞宅悉以書還
孔氏安國承詔作書傳又作古文孝經傳論
語訓解仕至臨淮守

十二代邛字子邛安國子傳家學尤善詩禮

琳臧子嗣蓼侯亦傳家學位至請吏

十三代驩邛子善春秋三傳爲博士弘農守

黃琳子嗣蓼侯後坐事失侯

茂黃躬大司徒光以其祖有功德而邑土廢
絕乃分食邑三百戶封爲關內侯

十四代立驩子善詩書與劉歆友善教授數百
人

宣聚之玄孫爲長安公仕宣帝元康四年詔
復家捷霸次子與弟喜並列校諸曹

光字子夏霸少子尤明經學年未二十舉議

郎歷仕成哀平三朝凡爲御史大夫丞相各
再又爲大司徒太傅太師居公輔位前後一
十七年凡食邑萬一千戶封博山侯王莽權
盛公憂懼稱疾辭位年七十薨謚曰簡烈
吉黜五世孫成帝綏和元年詔求殷後分散
爲十餘氏推求其適不能得匡衡梅福皆以
爲宜封孔氏爲湯後從之封吉爲殷紹嘉侯
後進爵爲公地方百里

十五代元立子爲校書郎

永光兄之子爲大司馬封寧鄉侯邑千戶光

昆弟子至卿大夫者四五人

壽封合意侯

放光子歷侍郎嗣博山侯

何齊吉子嗣宋公食邑一千六百七十戶哀

帝建平二年益戶九百三十二

十六代子建元子少遊長安與崔篆友善及篆

仕正莽爲建新大尹嘗勸子建仕對曰吾有

布衣之心子有袞冕之志各從所好請以此

辭歸終於家

奮字君魚提孫有學術通左氏春秋後漢初

除姑臧長賜爵關內侯有功世祖下詔褒美
拜武都丞遷太守

奇字子異博通經典著左氏刪故與兄奮家
於茂陵

尚霸曾孫鉅鹿太守

安何齊子光武建武五年封殷紹嘉公十三
年改爲宋公位在三公右

十七代仁子建子以文學爲議郎遷博士南海
太守嘉奮子有才學作左氏說終城門校尉
方字廣平黃曾孫豫州從事

疇字元矩陳國相

十八代豐仁子善於經學不好諸家書以學行
聞三府委贖司空拜高第御史章帝建初元
年拜黃門侍郎典東觀事

澍字君德魯從事

十九代僖字仲和子建曾孫章帝初拜蘭臺令
史二年三月帝東巡幸闕里祀孔子僖因自
陳謝遂拜郎中詔從還京師令校書東觀出
爲臨晉令三年卒

旭字延壽魯相史

新字定伯魯戶曹

震字元上

林中有碑其名漫滅

舉孝廉除郎中拜尚書

侍郎治書侍御史博陵太守遷下邳相終河

東太守

誦字仲助魯相史

扶字仲淵徵拜博士陽嘉二年由太守為司

空

林中有碑

翊舉孝廉拜御史遷中牟樂陽令

林中有碑

術字子佑魯相史

宙字季將尚曾孫舉孝廉遷郎中令太山都

尉

林中有碑

二十代季彥僖子與兄長彥守其家學徒數百

時人為之語曰魯孔子好讀經兄弟茲誦略

不停學士必欲就聲名不師孔氏焉能成延

光二年河西大雨雹大者如斗召見於德陽

殿問其故對曰此陰乘陽之徵也今貴臣擅

權母后黨熾陛下宜脩聖德慮此二者帝嘿

然左右皆惡之公曰吾豈容媚勢臣而欺人

君乎歸終於家

謙字德讓宙子弱冠講誦深究前聖之旨為

郡諸曹吏

融字文舉，宙子。七人融居第六。河南守賀進辟舉高第，爲侍御史。嘗爲北海相，立學校，表顯儒術，薦舉賢良。獻帝時，論者多欲復肉刑，公乃建議朝廷善之。卒不改，復拜太中大夫。曹操欲移漢鼎，憚公不敢，終爲所害。卒年五十六。魏文帝深好公文，每歎曰：「楊班之儔也。」募天下有上公之文者，輒賞以金帛。所著詩、頌、碑、議、論、六言、策、文、表、檄、教、令、書記，二十五篇。

又字元儁，魏諫議大夫。

文魏大鴻臚。

昱字元世，霸七世孫。少習家學，大將軍泓亦冀辟，不應。太尉舉方正對策，不合，辭去。後遭黨禁，宗鋼靈帝卽位，徵拜議郎，補洛陽令。以師喪棄官，卒於家。自霸至昱，爵位至卿相牧守者五十三人，列侯七人，較之譜系，乃知所遺之多也。隄爲功曹吏。

伯序，魯都督。

綱，建寧中爲魯掾。

二十一代暢建寧中為魯掾

毓文子漢征南軍司馬

郁福七世孫漢冀州刺史

恂字士信晉東平將軍衛尉

二十二代衍字舒元毓子少好學年十二通詩

書弱冠公府辟本州舉異行直言皆不就避

地江東晉元帝引為安東祭軍專掌記室書

積殷積而公以稱職見知舉與初與庾亮俱

補中書郎領太子中庶子於時庶事草創公

經學深博又練識舊典朝儀軌制多取定焉

帝與太子並親愛之以元帝太興三年卒于

官年五十三凡所撰述百餘萬言雖郡縣西

賊猶教誘後進不以戎務廢業石勒當騎至

山陽勅其黨曰孔公儒雅之士不得妄入郡

境太興三年卒于官

潛字景微世說譜云魏相斌十四世孫斌即

先居梁國潛為後漢太子少傅避地會稽遂

為山陰人按後漢獻帝末年歷魏晉至東晉

兄弟而或仕東晉者族屬疎遠故也

揚郁子為博亭侯因家焉

二十三代啓衍子晉廬陵太守

竺字元慎潛子兵豫章太守

二十四代恬竺長子字公默吳侍中選曹尚書

晉湘東太守

冲竺次子兵尚書

奕竺少子全椒令有惠化

煥宋禮部郎中

二十五代倫字敬康恬長子晉左僕射餘下亭

侯年七十五咸康八年卒贈車騎將軍開府

儀同三司謚曰貞世謂所謂孔車

傲冲子大司農自竺以來有名江左

倫奕長子晉黃門侍郎註儀禮

群字敬林奕少子有智局志尚不羈晉御史

中丞

二十六代閻字須言倫子襲爵建安太守散騎

常侍

汪字德澤倫子好學有志行晉侍中以直亮

稱出爲假節都督交廣二州諸軍事征虜將

軍廣州刺史有政績

祗字承祖尚節義爲郡功曹吏

國字安國倫第六子以儒學顯歷侍中太常尚書遷左僕射卒贈左光祿大夫

坦字君平儼子少方直有雅望善左氏春秋晉侍中封晉安男加散騎常侍遷尚書贈光祿勳謚曰簡有集五卷臨終致書庾亮以中原未復為恨云

嚴字彭祖倫子累遷尚書左丞又以侯領尚書有集五卷

沈字德度群子有美名辟丞相司徒掾琅琊王文學並不就

淳之字彥深粲子少志尚愛墳籍居會稽剡縣除著作佐郎太尉祭軍並不就居喪至孝廬於墓側元嘉初復徵為散騎侍郎乃逃于上虞界中元嘉十七年卒

默之淳之弟注穀梁春秋任廣州刺史

二十七代晉閭長子晉尚書令

靖字季恭閭次子晉察孝廉累遷尚書左僕射加後將軍宋臺初建拜侍中特進左光祿大夫辭東歸帝餞之戲馬臺武帝受命加開封儀同三司讓累年不受薨以為贈

侯汪子江夏太守

混坦子散騎常侍嗣爵

道民嚴子宣城內史

福民嚴子太子洗馬

靜民嚴子散騎侍郎

道隆位侍中

廡沈子吳興太守廷尉光祿大夫

二十八代祐晉子有至行通神隱於四明山太

守僧王虔引爲主簿不就

靈符靖子卅陽尹會稽太守尋加豫章王公

愨實才幹所蒞有績

晉陽秋云靖生山生山民山士會稽太守山民

新興太守

靈運靖宋著作郎

靈產道隆子解天文有高志累遷光祿大夫

齊高帝嘗稱有古人之風

景偉國之孫齊散騎常侍

景進魏功曹掾

琳之字季琳歛子強正有志力少好文義解

音律妙草隸桓玄輔政以爲西閣公不能順

玄旨意固不見知累遷尚書左丞宋臺初建

除宋國侍中永初一年為御史中丞直法無所撓武帝行經蘭臺親加臨幸卒贈太常公不事產業家尤貧素有文集十卷

瓊之琳之弟為揚州中從事

二十九代道徽祐子少厲高行隱居南山終身不窺都邑豫章王辟之不至

珪字德璋靈產子風韻清遠好文詠齊高帝為驃騎舉為記室與江淹對掌詞筆歷尚書左丞御史中丞都官尚書終散騎常侍嘗上律文二十卷

深之靈符子宋大明中比部郎

琇之靈運子宋江夏內史有吏能

白烏魏興和三年為鄒縣丞

靈龜揚七世孫後魏國子博士

士魏琳之子有父風揚州中從事

滔景偉子梁海監令子岱六歷清要

遙之冲五世孫宋水部郎尚書左丞

三十代臻琇之子太子舍人尚書三公郎

珣遙之子齊通直郎梁書作廬陵王記室參

軍

曄遥之子中書侍郎

覬字思遠士邈子少骨鯁有風力口吃飯好讀書宋御史中丞累遷侍中後為尋陽王右軍長史行會稽郡事

道存士邈子黃門侍郎南海太守

摠道徽兄之子有操行除竟陵王侍郎不至碩靈龜子後魏治書侍御史

三十一代休源字慶緒珮子齊舉秀才梁歷中書舍人尚書左丞帝敕王曰孔休源人倫之表汝年尚幼當師事之常於殿中別設一榻

人不敢坐其敬禮如此累佐名藩甚得人譽

精通詳練強正慎密終金紫光祿大夫謚曰貞手校書七千卷有集十五卷

幼孫臻子梁寧遠枝江二縣主簿無錫令

安碩子北齊青州法曹參軍

四十六世孫宗翰嘗歎家譜疎畧宗族世有賢俊苟非見於史冊即泯然不聞是可痛也魏晉而下逮於隋唐見紀者止百餘人按議郎傳云自霸至昱七世之內爵位相繼卿相牧守五十二人列侯七人五十一世元祚謹

按南史有孔遊字世遠好典故學宋昇明中
爲齊臺儀曹郎齊永明中爲太子家令又有
孔嗣之字敬伯宋時與齊高帝俱爲中書舍
人並非所好自廬江郡守去官隱於鍾山朝
廷以爲中奉大夫卒又有孔僉通五經尤明
三禮孝經論語生徒數百人爲五經博士歷
海鹽山陰令太清間卒子淑玄涉文學官至
太學博士僉兄子元素亦善三禮有盛名又
有孔子祛少好學挾書耕樵勤苦自勵遂通
經術累遷中書通事舍人加通直正員郎卒

于官凡著尚書義二十卷集註三十卷續朱
异集注易一百卷續何承天集禮論一百五
十卷又有孔子雲仕梁官至五經博士尚書
祠部郎又有孔廣字淹源美容止善談論仕
至揚州中從事又有孔道抗直有才藻制東
都賦才士稱之又著三吳決錄卒於衛軍武
陵王東曹掾此皆聞達表表者史失其世次
姑附錄于此

三十二代雲童休源長子有父風岳陽王府諮
議東揚州別駕

宗範休源少子聰敏有識度陳中書黃門侍郎

真字休文幼孫子少孤為叔父虔孫所養好學善屬文博物強識仕梁為儀曹郎侯景陷建業公遭母憂在寇亂中持三年喪以孝聞陳武受禪遷太子中庶子除晉陵太守公清自自將郡號神君文帝徵為御史中丞公性剛直朝廷敬懼累遷中書舍人復為中丞尋為五部尚書累加侍中金紫光祿大夫卒年七十餘有文集十五卷彈文四卷

穎達字冲遠

唐書本傳作仲達于志寧撰碑作冲遠于與公同時今以為正

安子八歲日誦千餘言及長尤明左氏春秋

王氏易鄭氏書詩禮記兼善筭歷屬文居家以教授為務隋大業初明經高第授河南內郡博士徵赴東都令與國子秘書學士論難莫能屈補太學助教屬亂避地武牢唐太宗平王世充引為秦府文學館學士武德中授國子博士貞觀初封曲阜縣男轉給事中數進忠言益見親待六年累除國子司業遷太子右庶子兼司業與諸儒議曆及明堂皆從

公之說又與魏徵撰成隋史加散騎常侍又
脩定五禮衆有疑滯咸諮決於公書成進爵
爲子賜物三百段以在東宮數有諫正又賜
黃金一斤絹百疋拜國子祭酒仍侍講東宮
太宗幸國學觀釋奠命公講孝經公因上釋
奠頌手詔褒美又受詔撰定五經正義凡一
百八十卷賜物三百段貞觀十七年以年致
仕明年圖形靈煙閣讚曰道光烈第風傳闕
里精義震開談辭騰起卒贈太常卿謚曰憲
陪塋昭陵

三十五代昌寓字廣成德紹子貞觀中對策高
第爲膳部郎中

季詡字季和楨子早知名登制科陳子昂嘗
稱公神清韻遠終左補闕

若思紹安孫早孤母褚氏躬教訓遂以學行
知名累遷給事申中宗朝再轉禮部侍郎出
爲衛州刺史以清白稱加銀青光祿大夫賜
絹百疋歷汝州刺史太子右諭德

仲思若思弟給事中

立言惠元子禮部郎中

春言惠元子黃州刺史

務本穎達族孫滄州東光令

三十六代舜字奉先昌寓子監察御史

至字惟微若思子著作郎明氏族學撰百家

類例如珪務本子海州司戶贈工部郎中

三十七代齊參舜子為寶鼎令

岑父如珪子著作郎贈尚書左僕射墓在河

南河陰廣武縣六子載戮戮戮戮威

巢父字弱翁岑父第早勤文史博辨多智少

時與韓準李白等隱徂徠山時號竹谿六逸

三十三代伯魚宗範子陳散騎常侍

紹安與子少與兄紹新俱以文辭知名陳亡

入隋徙居京兆鄠縣閉門讀書外兄虞世南

嘗嗟異之大業末為監察御史唐高祖拜內

史舍人賜宅一區詔撰梁史未成而卒有集

五十卷

紹忠字孝揚與少子有才學位太子洗馬鄱

陽王東曹掾

志玄穎達子唐國子司業

志約穎達子禮部郎中

志亮穎達子中書舍人

思政德仁孫端州刺史

三十四代德紹伯魚子隋秘書省正字景城
承

植紹安次子第進士高祖時為蘇州長史累

遷絳州刺史封武昌縣子卒謚曰溫

構紹安少子贈蒲州刺史

惠元志玄子為國子司業三世司業時人樂
之

宗志約子洪州都督

代宗廣德中為左衛兵曹參軍投監察御史

刺歸汾二州入為諫議大夫出為潭州刺史

湖南觀察使未行會普王為荆襄副元帥署

行軍司馬俄而德宗幸奉天遷給事中河中

陝華等州招討使累上破賊方畧上嘉納之

尋兼御史大夫充魏博宣慰使興元元年復

宣慰河中為亂軍所害上聞震悼贈尚書左

僕射謚曰忠詔收河中日備禮葬祭賜其家

粟帛甚厚仍授一子正員官

三十八代文瑾齊鄉子兗州都督府功曹

克符齊參長子與兄克讓等事親至孝俱隱
嵩山述睿齊參少子劉晏薦於代宗稱其類
閔之行德宗召拜諫議大夫卒年七十一
載岑父子貞元二十七年及第

幾字君嚴登進士第鄭滑節度使盧群辟爲
從事群卒權掌留務入爲侍御史憲宗元和
初累遷諫議大夫儼然忠讜有諫臣體以方
嚴見憚於朝俄兼太子侍讀改給事中權尚
書右丞明年拜左丞改華州刺史潼關防禦
使入爲大理卿改國子祭酒十二年授廣州

刺史嶺南節度使公剛直清儉交廣大治十
五年遷吏部侍郎穆宗初改右散騎常侍二
年復爲尚書左丞數上疏請老詔以禮部尚
書致仕祿之終身年七十四卒贈兵部尚書
謚曰貞莖先墓左四子溫質遵孺遵憲溫裕
戡字君勝方嚴有家法重然諾尚忠義登進
士第自金吾衛錄事爲大理評事佐昭義軍
軍帥盧從史驕悖公極諫之不合歲餘謝病
歸東都會宰相李吉甫鎮揚州奏起公爲賓
佐從史聞之怒請行貶逐憲宗不得已授衛

尉丞分司東都詔下給事中呂元膺執不可
帝遣使諭呂曰朕非不知戡行用之矣未幾
卒卒後三月從史敗詔追贈司勳員外郎子

溫資

戡字方舉擢明經書判高等為校書郎累拜
監察御史遷京兆尹出刺汝州又刺潭州湖
南觀察使時兇戡為嶺南皆居節鎮朝野榮
之人為右散騎常侍復尹京兆歲旱文宗憂
甚戡自禱曲池一夕大雨帝悅詔兼御史太
夫卒贈工部尚書子溫業溫諒

二十九代敏行字至之述膺子少而脩潔元

五年及第歷拾遺補闕起居郎諫議大夫集

賢學士

溫質戡子四門博士

溫孺舉進士終華陰縣丞

溫裕舉進士位左丞天平軍節度使

溫資戡子舉進士保太子少保

溫業字遜志戡子長慶元年進士及第宣宗

大中時為吏部侍郎求外遷宰相白敏中

同列曰吾等可少驚孔吏部不樂居朝矣後

為太子賓客第温諒温諒子績

四十代拯字弘濟張封振之第中和二年狀元

及第歷侍郎拯弟郁郁子述字彰聖述子檣

同光元年避地吳越因家于温州之平陽且

越王累聘不就

綸字延休温質子咸通二年及第乾符三年

調丹陽令因家焉

綸字昌言咸通二年與兄綸同榜進士第九

人及第歷殿中侍御史戶部郎中

纒字微夫咸通十四年狀元及第

緯字化文温孺子大中十二年狀元及第累

遷集賢直學士翰林學士中書舍人御史中

丞歷戶兵吏三侍郎從僖宗幸蜀改刑部尚

書判戶部事還京授御史大夫又從幸梁拜

中書門下平章事駕還進位左僕射賜號持

危啓運保義功臣食邑四千戶賜鐵券恕十

死賜天興縣莊善和里宅各一區昭宗進加

司空開府儀同三司位司徒封魯國公進兼

太保又拜司空兼門下侍郎同平章事以疾

乞歸田里帝動容詔使者送至中書視事會

乞歸田里帝動容詔使者送至中書視事會

駕出幸石門公從至莎城疾篤先還京師卒於光德里第贈太尉公尚節義秉禮不回孔氏子自元和後兄弟貴盛至正卿方鎮者幾千人至公始登台輔云第絳字受文明經及第少第緘

晦字文為一名溫業子咸通十二年明經及第歷吏部侍郎

昺字濟美溫業子後人避宋諱改爲照咸通十七年進士第十一及第終萊州刺史

績溫諒子唐文德元年調吉州推官遂家新

溫

四十一代昌明字昭儀績子光化三年進士第七人及第

昌庶字幾聖昺子乾寧元年及第爲虞部郎中

昌彌史作昌彌字佐化緯子進士及第終散騎常侍

昌序字昭舉晦子進士及第終散騎常侍

遜字隼之溫質孫繼子乾寧五年進士第五人及第終諫議大夫

遼溫砮孫緒子澹州乾符令贈兵部員外郎
仲良唐莆田令卒于官因家焉今尚有世譜
及唐誌刻石于縣齋朱文公嘉嘗爲訂其譜
宋淳祐中官朔瀛光書院建先聖殿又爲立
聖曹莊以教養孔氏子孫五十一代孫元龍嘗
跋其譜云

四十二代莊字文愿昌庶子後晉太常少卿
四十三代承恭莊子宋太宗廟將作監致仕
四十四代憲仁王次子宋建隆初進士及第任
尚書工部員外郎河東轉運使

勗字自牧仁王少子登雍熙二年進士第歷
官五十年以秘書監上章請退分司南京主
管祖廟賜酒餼以寵之告老授工部侍郎致
仕公少孤自立博學能文尤工於詩性淳厚
號稱長者任曲阜八年以禮義化鄉黨忠孝
訓子孫民到于今服其教其得謝事也宴集
親舊長子道輔時以龍圖閣直學士給事忽
鄉郡鄉黨祭之卒年八十九累贈吏部尚書
世基太平興國二年以鄉貢進士賜同本科
出身

見大中祥符元年以兗州參軍爲安州應城
主簿

渭大中祥符元年以進士賜同三傳出身

四十五代延澤宜次子進士及第贈右諫議大夫

延澤宜少子宋真宗東封駕幸儒廟賜同學

究出身終隰州清化令

延祐延魯延齡並以大中祥符元年賜同學

究出身

延之憲子擢進士第贈殿中丞

道輔字原魯

舊名

延魯舉進士爲寧州推官以手

板擊殺天慶觀妖蛇一郡驚異歎服徂徠石

介爲作銘

見碑記

知曲阜縣天聖九年爲右正

言上書請章獻明肅皇太后歸政天子又廷

奏樞密使曹利用御藥羅崇勳罪狀內外懼

之使契丹虜主酌以大卮曰天寒飲此可致

和氣公曰不和固無害還除龍圖閣待制出

知鄆州徙知青州入判流內銓出知許州徙

應天府除右諫議大夫御史中丞皇后郭氏

廢公率諫官御史范仲淹宋郊等十人伏閣

力爭坐出知泰州徙徐州兗州進給事中在

兗州時有近臣進詩百篇執政有請除龍圖閣直學士者上曰是詩雖多不如孔道輔一言乃以爲龍圖閣直學士復召爲御史中丞寶元二年出知鄆州道病卒年五十四上思其忠特贈尚書工部侍郎累贈司空太尉開府儀同三司葬祖墓西南百步公性鯁直剛毅各聞天下所至官治數以爭職不阿或絀或遷持一節以終身未嘗自出士大夫以其不終大位爲天下惜之

良輔字師烈勗次子性慷慨有史才智策過人官至大理寺丞上章求退制曰齒未老而願謝政歸事墳廟知止之繁朕用嘉之授太子中舍年六十四葬祖墓東北

彥輔字德甫勗少子幼聰悟落筆成章衆所推服年十八任仙源縣主簿以郊祀恩授將作監主簿父疾懇求侍養在膝下十五年衣不解帶藥必先嘗親終服除然後從官卿黨稱孝至國子博士年六十五子漢英宗敬漢英幼聰慧博覽經史早卒

四十六代舜亮字君亮道輔長子位至左中散

大夫致仕累特進少師著粹籍

宗翰字周翰道輔次子氣貌渾厚奉親至孝始以父任爲將作簿復與兄皆錄廳進士及第累遷知蘄密陝揚洪兗六州終刑部侍郎年六十卒

宗壽良輔長子承議郎致仕

宗哲以自身最長補迪功郎堂差與仁府乘氏縣主簿終兗州仙源縣丞

宗簡太子中舍

宗旦皇祐中爲應州司戶參軍儂智高破城

公彼執慢罵之不已遂見害贈太子中允

收宋仁宗慶曆七年八月丁未賜汝州龍興縣處士粟昂公隱居縣之龍山強陽城性孤潔喜讀書田數百畝遇歲飢分所餘用不足者未嘗計有無聞人之善若出於已動止必依禮法人皆慕之見公於路輒欵衽以避父喪廬墓三年厨破棺中日食米一溢壁間生紫芝數十本州以行義聞故有是賜又給復其家嘗有盜發其廩粟公避之縱其所取嘗逢羸弱者爲盜掠奪皆贖貨公追盜與語責之

以義解金界之復歸所據居山未嘗逢蛇虺
虎豹或謂曰子毋夜行此亦可畏公曰無心
則無所畏

會述五世孫左從事郎處州麗水縣丞

師旦宋熙寧三年登科迪功郎泗州司戶參

軍終宣教郎

延之續五世孫慶曆二年登進士第司對郎

中與濂溪先生周惇頤友善卒葬廬山南豐

曾輩誌其墓贈殿中丞金紫光祿大夫此家

江故遠與四十五
世同名非一人也

四十七代若升字公漸舜亮長子沂州新泰令

嘗脩廟贈朝奉大夫

若谷字公應舜亮次子右朝散郎致仕

傳字世文舊名若古舜亮少子精於易學博極群

書操行介潔元祐政和間累任鄉官建炎初

與四十八代龔封公端友南渡寓居衢州率

族拜疏闕下叙家門故事後有因仕而家於

徽湖撫鄂四州者皆自衢而分公嘗知邠州

勸豪挾貪吏民畏服知陝州平鼎澧寇以功

進職知撫州建昌卒闕公單車撫諭之至則

帖然自號杉谿進續白氏六帖文樞要記詔
送秘書省又著東家雜記杉谿集官至中散
大夫贈中奉大夫年七十五

若拙字公智宗愿少子進士出身金州司理
參軍

若采以白身最長補廸功郎興仁府濟陰主簿

恢字宏之宗翰子終奉直大夫

惇字厚之宗翰子終朝散大夫

忱字誠之宗翰子文林郎

詢字信之宗翰子奉議郎

若初字公慎宗毅子進士及第

文仲延之子字經父少好學性狷介舉進士

又舉賢良方正范蜀公鎮舉公召試對策極

言新法之害忤王安石見黜哲宗朝累遷起

居舍人拜左諫議大夫上疏論青苗免役等

法不便遷中書舍人年五十有文集五十卷

與弟武仲平仲俱有文名天下號曰三孔周

益公必大序三孔先生清江文集云先聖四

十八代孫也山谷黃庭堅論元祐人才有曰

二蘇聰壁三孔分鼎云

武仲字常父舉進士為禮部第一元祐初為秘書省正字累遷司業侍講邇英殿除起居舍人數月拜中書舍人直學士院擢給事中遷禮部侍郎出知洪州移宣州坐元祐黨奪職居池州卒年五十七著詩書論語說金華講義內外制雜文共百餘卷

平仲字毅父舉進士元祐中入史館遷京西提刑坐黨籍謫知韶州又謫惠州別駕徽宗即位召遷為戶部郎中出使陝西師鄰延環慶卒公尤精史學著續世說行于代公嘗誌

陶寺丞夫人孔氏墓云孔姓惟闕里最著而廟宅譜謀特繼以嫡相承者支子旁孫皆不復錄故散而之四方者莫可攷證皆聖人之後也今在江南者新淦尋陽為右云

四十八代端節字子奇若升子朝散大夫贈中奉大夫

端木字子工

初名端朝

若升子為若谷後宣和四

年駕幸太學詔大臣先聖後有在學者特賜進士第當自今始召見賜上舍出身建炎三年十月南渡明年八月特差徽州黟縣令紹

興一年召試館職歷秘書郎著作佐郎司對員外郎終朝散郎知臨江軍見家於徽

端問字子誠傳子篤學工詩終從政郎洪州奉新縣丞著州集

端已字子正傳子侍父渡江習見祖庭舊事常舉以訓族子弟歷官五十年介潔不汚終奉議郎年八十一贈少保

端位字子著傳子儒林郎常德府錄事參軍端植字子固傳子居官以介潔稱常宰鄂之通城氏至今思之終承直郎湖州武康縣丞

見家於鄂

端隱字子宣傳子文林郎江陵府觀察推官

端甫字肅之篤志好學不樂仕進金翰林侍

講党懷英舉公間居鄉里年德俱高雖不習

科舉其讀書養道該通古今堪任國子小學

教授明昌四年三月十二日召赴闕賜進士

及第補將仕郎以年老乞歸

松恢子宣義郎

淵惇子將仕郎

堯忱子承議郎

四十九代璣字純老端節子以白身最長補官終朝議郎知和州

璣字伯秩端木子從政郎蔡州蘭谿縣主簿

璣字仲石端木子端木子承直郎監左藏西上

庫終通直郎

璣字伯堅端問子篤學能文終從政郎漳州

錄事參軍著吏事總龜

璣字德純學博才優尤工翰墨嘗為廟學正

金貞祐二年賜同進士第萊州招遠縣主簿

琰字粹老中順大夫忻州同知金初從事太

師梁王麾下以功補官王以聖表授文資

璣承事郎開封府祥符縣主簿

瑀字湯光承直郎

卓會之曾孫從政郎福州閩清縣令

璣字仲王建炎二年侍父端慎渡江居鎮江

乾道五年錄孔氏後賜官迪功郎

彥况平仲孫宋監南康稅院遂居吉州吉縣

五十代持字季貞舊名韻封公玠之子受兄

封遺澤終迪功郎監温州天富鹽場

擬字成之璣子登仕郎

揆字相之璿子將仕郎

搃字季蘊璿子以子應選應發請鄉舉該遇

壽恩授迪功郎

擢字用之性資純古通經術金大定二十二

年進士及第待闕萊州掖縣令章宗以聖人

後特授大學助教為都省掾三部司正終刑

部都事

撫字伯願廟學正

摯字萃夫廟學正

元龍字季凱

舊名

行可子尚志篤學從西山

先生真文忠公德秀游擬進泮泗言學晦忠

策晚年以自身最長特授迪功郎制曰爾著

書立言諸老所推許以其賢亦可官矣况世

次之所當歟初任饒州餘于縣主簿沿檄還

衢部使者延請為柯山精舍山長以宣教郎

致仕年至九十手不釋卷有柯山講義論語

集說魯燕斐葉奏議叢辟卒之日門弟子三

百哭之私謚曰文介後贈太子少師

拱字執謙璩子少孤好學篤意義方鄉黨賢

之年五十三卒有習經讀史各三卷錫山草

堂集五卷村居雜興三卷

書周紹興十七年勅授洪州文學

屢常紹興十二年以五十一代孫上書言事賜

官終宣教郎知建州蒲城縣事四十八代孫

古本族譜云先君有言祖壁之遺言關里之

陳蹟尚不可追尋於傳聞之近獨族黨離散者

其蹤跡不可得而尋余每憶此語紹興癸亥

族姪屢常調尉常山余因訪之出譜謀乃東

家古本與余根系本同派流未遠且知族祖

自唐季避地東嘉今八世矣衣冠未墜詩禮

未歇而東家之氣岷尚未斬也余遂率子弟

來敘少長講拜于庭日追惟先世以骨肉散

亡為恨余今幸一見豈不快哉

師古進功郎處州司戶參軍

履矩脩職郎福州羅源縣尉

五十一代應選字舜舉舊名據子與弟應發自

為師友刻意問學嘉定十二年同請鄉舉淳

祐七年用四十四代世基舊例賜同本科出

身授進功郎臨安府餘杭主簿

應發字機仲舊名初任進功郎處州遂昌縣

尉終隆興府武寧縣令以通直郎致仕

應得字德夫舊名元龍子嘉熙二年混補入

太學淳祐元年理宗車駕幸太學賜同進士

出身初任吉州太和縣主簿終端殿學士僉

書樞密院事福建江浙宣諭大使年六十一
自號退學

文樸字伯厚拱子繼授寶祐元年及第以先
聖後特旨轉脩職郎復州王沙縣簿尉終奉
議郎知潭州湘潭尉

煥宋從事郎饒州餘干縣丞

煒宋慶元二年第五人及第終朝奉郎太常
丞兵部郎中知端州

應祥字吉甫宋從政郎邢工部架閣

應禮一名大中元授登仕郎授忠翊郎翊衛

忠義部統制

元順字存之廟學錄

元裕字益卿見恩州路學教授濟陽主簿

元敬字忠卿見從事郎邵武路經歷

元伸字信卿萊州學教授見德州學教授將

仕郎須城縣主簿

五十二代萬齡字松年宋時受父龔封公遺澤

終將仕郎袁州路分宜縣尹

元善字德新宋寶慶二年進士及第終儒林
郎秦州學教授

元孚字信甫宋開禧元年武舉及第終武節大夫

貴慶字幼勉承議郎知福州福清縣事

元圭字君錫宋淳祐元年武舉第二人及第歷閣門舍人出知高州肇慶府又知瓊州兼瓊莞安撫使終武翼大夫年七十九號東巖貴脩迪功郎吉州永豐縣丞

夢斗字元極舊名梓宋嘉熙四年浙漕附試發

解寶祐元年以兄闕舍牒試國子補入太學陞前廊宰執司憲經明行脩特旨免省赴殿

景定二年進士及第歷臨安府學教授召試館職除秘書省正字史館校勘終承議郎通判慶元府年七十七號愚齋有尚書解愚齋

文集

定國嘉定十七年授迪功郎權和州含山縣主簿

貴明字幼聞承信郎臨安府於潛縣稅官

廉見任信州學教授歷官枝江縣尹

五十三代道生字宗一承節郎監廣東鹽倉宋淳祐十二年請江西漕舉

一 鉉字君鼎宋文林郎常州錄事參軍

一 霆發字君選宋淳祐十二年以叔閣舍牒試

一 國子補入太學公試第一人咸淳四年廷對

一 第八人及第文林郎處州軍事判官

一 景行字宗成宋寶祐四年宣聖國子補入太

一 學陞內舍咸淳三年春度宗臨幸太學召五

一 十一代應得例賜進士出身授脩職郎慶元

一 府學教授循從政郎禮兵部架閣

一 淑字世儀見行御史臺掾授將仕郎漳泉路

一 監事判官

楷字魯林言子見常州路學教授

五十四代思友字益道新城平陰兩縣主簿沐

陽固城兩縣尹改承事郎汝寧府推官

思古字志道葛城新泰膠水三縣學教諭

思本字正道磐陽路學教授

思恭字信道須城安德兩縣主簿南樂天長

兩縣尹濟寧路知致仕

思履字義道兗州學正益都路學教授將仕

郎東阿縣主簿

思善字性道磐陽路學教授改濟寧路學教

授太常寺太祝

思德字守道汴梁路學教授將仕郎文登縣主簿

思膺字達道前衛學教授泗水縣主簿

思遵守從道三氏學教授渭川縣主簿江陵錄判安陸府知事嘉祥縣尹

思適字弘道恩州路學教授北海縣鄆城三縣主簿臨穎縣尹陝西儒學提舉河中府判

思迥字凝道膠西縣主簿改安慶錄事光山

縣尹除西臺監察御史復拜內御史錫金織紋綺轉湖廣都事辭疾起爲太常禮儀院判尋陞同知本院事

思永字常道廟學正黃縣主簿歷官河南省理問東平路同知致仕

思立字用道太常寺太祝轉西河縣尹拜御史歷省臺二十餘年錫金腰帶金綺龍衣累官至正奉大夫中書叅政知經筵事

思政字近道虛城縣學教諭

思矩字規道濟寧路學教授

思綿字昌道深澤縣學教諭

思明字處道阿速右衛學教授

思訥字仁道太平縣學教諭

思用字行道沁水縣學教諭威州學正

思賓字興道曲阜縣學教諭濟寧州學正

思則字允道餘姚學正貴溪南安兩縣主簿

武平縣尹

思舉字貢道延平路學正

思言字可道淞江府學教授

思宣字友道容城縣學教諭

思衍字元道磐陽路學教授

思貞字周道膠西縣學教諭

五十五代克寬字栗夫曲阜縣學教諭濟寧學

正

克仁字志夫廟學正

克信字善夫泗水縣學教諭

克常字永夫興濟縣學教諭

克綱字弘夫豐縣學教諭

克達字徵夫聊城宣德兩縣學教諭

克義字達夫河陽縣學教諭回回砲手衛教

授轉安陵府知事改將仕郎肥城縣主簿

克禮字嚴夫寧海州學正

克允字中夫元氏縣學教諭

克溫字元夫濟寧路學教授將佐郎高密縣主簿

克全字成夫淮安路學教授

克學字巽夫東昌路學正前衛學教授

克紹字勉夫完州學正河間路學教授將佐郎楊子縣主簿無棣縣尹秘書監著作佐郎大都路學提舉翰林國史院待制朝列大夫

致仕

克脩字允夫長蘆學正樂陵縣主簿

克剛字德夫晉寧路學教授

克廣字毅夫衛輝路學教授邠州判無棣縣尹

克邁字恒夫後衛學教授莘縣主簿

克光字顯夫曲阜縣學教諭

宗仁蒙古衛學教授翰林國史院典籍

克莊字嚴夫鉅野縣學教諭兗州學正永平路學教授

克康字惠夫磁陽縣學教諭武衛學教授濮州知事翰林國史院典籍太常寺太祝明

五十六代希敏字士遜完州學正權奉祀事

希英字士彥濟寧路學教授

希祖字士嚴遵化縣主簿泗水縣知縣

希聖字士賢三氏學教授寧國縣主簿都漕

運司知事

希先字士昭蒙古侍衛學教授賦原庫知事

翰林國史院典籍承事郎新河縣知縣

希賢字士寧壽張縣學教諭陵州學正

希頰字士學曲阜縣學教諭

希曾字士宗長清縣尉夏邑縣主簿衛輝路

知事

希毅字士弘鄆縣學教諭米脂縣知縣

希遠字士明任兗州判

希恭字士安魯府儀賓階中奉大夫

五十七代

諤字貞伯永樂戊子鄉貢進士左春坊左中

允遷大理寺左評事復遷監察御史陞河南

按察司僉事

信字忠伯永樂辛卯鄉貢進士封禮科給事中加大理寺左少卿

諡字諫伯景泰癸酉鄉進士宿州學訓導

諱字覲伯景泰丙子鄉貢進士壽州學訓導

國子監學正藩府長史階朝列大夫

諱字慎伯成化丁酉鄉貢進士河間縣知縣諱字融伯英山縣丞

諱字魯府儀賓中奉大夫

五十八代

公禮字節文宣德乙卯鄉貢進士徐州學訓導國子監學正詹事府主簿

公鏞字縉文永樂丁酉鄉貢進士

公恂字宗文正統甲子鄉貢進士景泰甲戌

進士拜禮科給事中陞詹事府少詹事改大理寺左少卿

公怡字友文天順己卯鄉貢進士

公森字燦文由監生任河南延津縣縣丞

公潤字澤文由監生任浙江桐鄉縣縣丞

公仲字正文由監生任江西建昌縣縣丞

公華字實文由監生任直隸寧津縣知縣陞
陝西苑馬寺寺丞

公才字義文成化癸卯鄉貢進士歷任江都
縣知縣兵部主事大名府判和州知州山西
按察司僉事

五十九代

彥麒字朝祥景泰丙子京闈鄉貢進士歷任
直隸桐城靈璧縣知縣

彥祿字朝庸成化戊子鄉貢進士任河南裕
州知州

彥禮字朝節由監生任直隸阜城縣縣丞

彥鵬字朝翰由監生四川崇慶州吏目

彥雲字朝龍由歲貢生任河南閩鄉縣學訓導

彥確字朝誠山西繁峙知縣

彥碩字朝大武城衛經歷榮澤知縣懷慶通
判

彥述字朝謙山西澤州州判

彥訢字朝賢陝西臨洮府學教授

六十代

承瑀字永珮直隸平鄉知縣

承朴字永厚山西石樓知縣

承茹字永彙湖廣江華縣教諭

承先字永孝順天府學訓導歷任高陽知縣

承偶字永冠直隸保定縣知縣陝西寧州知

縣荆府長史

承亮字永寅河南開封府學教授

承紀字永脩潼關衛武學教授

承儻字永盛歷任直隸保定府學教授

六十一代

弘毅字以遠浙江桐廬縣教諭

弘盛字以德直隸如臯縣知縣

弘川字以東河南封丘縣知縣

弘鐸字以魯江西廣信府推官

弘幹字以象魯府審理正進階奉議大夫所

著輯談柄孔門僉載淳龐風味橋梓聯編文

獻集

弘申字以重湖廣襄陽府通判

弘衍字以學河南遂平縣知縣

弘典字以則東昌府博平縣教諭

弘猷字以登州府招遠縣訓導

弘鼎字以濟南府長清縣訓導

弘綦字以鬱青州府樂安縣教諭

弘頤天啓元年恩貢任直隸高陽知縣

天十二代

聞德字知本壽陽縣知縣

聞秀字知山西萬全衛教諭

聞諤字玄伏天啓辛酉舉人壬戌科進士授

行人陞禮部主事

聞詩字知言萬曆戊午舉人天啓壬戌進士

授中書考選吏科給事中陞禮科右給事中

聞籍字彙純天啓辛酉舉人乙丑科進士授

行人陞南京吏部主事陞陝西參議

聞諤字天啓辛學恩貢任河南新鄭縣

學訓導

聞範字天啓辛學恩貢

聞教字知寬歷任湖廣承天府經歷

聞慶字任湖廣宣城縣教諭

聞定字任大名府通判陞四川提舉

聞學字任平原縣教諭

聞諤字任樂陵縣訓導

曹古字

任德州訓導

曹謙字

任河南汝縣知縣

曹謹字

任利津縣教諭

曹武字

任武城縣訓導

曹統字

任恩縣訓導

曹俊字

崇禎辛學恩貢

曹黨字

知忠天啓丁卯鄉貢進士

閻檀字

萬曆戊午鄉貢進士

六十三代

貞樛字用材河南南陽府通判直隸海州知

州進階朝列大夫

貞棟字用隆禹城縣教諭

貞祚字

天啓辛學恩貢任陝西漢陰知

縣

貞時字中南萬曆丙午舉人癸丑進士授諭

林院庶吉士陞簡討

貞運字玉橫萬曆壬子舉人己未科榜眼及

第授修撰歷陞詹事府少詹事

貞之字

萬曆戊午舉人任直隸青縣教

諭

任陝西西和縣知縣

任歸清州學正

任河南陳州訓導

任直隸真定府訓導

崇禎學恩貢任河南浙川知縣

任蘭陽縣教諭

任青州府學訓導

尚孝字 任博平縣教諭

尚簡字 崇禎學恩貢 任江西撫州府通判

尚遜字 崇禎學恩貢 任山西潞安府通判

尚鉞字震之天啓甲子鄉貢 進士任江南進安府同知

尚則字準之天啓丁卯舉人 庚辰進士任江廣全徽知縣

尚標字 副榜恩貢任膠州訓導

六十五代

胤圭字伯達天啓甲子舉人丁丑進士 任北直隸曲周知縣

胤樾號心一順治丙戌進士監察御史 蘇松


巡按

關里誌卷之十

唐

甲科

三十八代

戴字  貞元二十七年進士及第

戮字君嚴德宗時登進士第

戡字君勝德宗時進士及第

三十九代

溫孺憲宗時進士及第

溫裕懿宗時進士

温資懿宗時進士

温業字遜志長慶元年進士

敏行字至之憲宗元和元年狀元及第

四十四代

拯字弘濟僖宗中和二年狀元及第

振字國文懿宗咸通四年狀元及第

緯字化文宣宗大中十二年狀元及第

纁字徽夫懿宗咸通元年狀元及第

絢字咸休懿宗咸通元年進士第

綸字昌言懿宗咸通元年進士第

炘字濟美避宋諱改為照咸通十七年進士

四十一代

昌庶字幾聖乾寧元年狀元及第

邈字準之照宗乾寧五年進士第


昌明字昭儀昭宗光化三年進士第

昌弼字佐化進士第史作崇弼

昌序字昭舉進士及第

宋


四十四代

憲字  建隆初進士及第

勗字自牧雍熙二年進士第

四十五代

延澤字  進士及第

延之字  仁宗慶曆二年登進士第

道輔字原魯 舊名延魯 進士第

四十六代

舜亮字君亮仁宗嘉祐四年進士及第

宗翰字周翰進士及第

四十七代

若拙字公智進士第

若初字公慎進士第

文仲字經父進士第

武仲字常父進士第

平仲字毅父進士第

四十八代

端木字子工 初名端朝 進士第

端隱字子宣進士第

端甫字肅之金章宗明昌四年賜進士及第

四十九代

瑋字德純金宣宗貞祐二年賜同進士

五十代

擢字用之金大定二十二年進士及第

五十一代

應得字德夫宋理宗嘉熙二年進士及第

煒字 寧宗慶元二年進士及第

文撰字伯厚寶祐元年進士第

五十二代

元善字德新宋寶慶二年進士及第

夢斗字元拯理宗景定三年登進士第

五十三代

震發字君選宋淳祐十二年進士第

景行字宗成度宗咸淳三年駕幸太學賜進

士出身

明

五十八代

公恂字宗文景泰甲戌科進士

六十二代

聞諱字玄伏天啓壬戌科進士

聞詩字知言天啓壬戌科進士

聞籍字義繩天啓乙丑科進士

六十三代

貞時字中甫萬曆癸丑科進士

貞運字玉橫萬曆己未榜眼及第

六十四代尚則字準之崇禎庚辰進士

六十五代

胤圭字伯達崇禎丁丑科進士

宋

鄉科

四十四代

世基典國二年

五十一代

應選淳祐七年

明

五十七代

諤字貞伯永樂戊子

信字忠伯永樂辛卯

諗字諫伯景泰癸酉

謨字觀伯景泰丙子

諒字慎伯成化丁酉

五十八代

公禮字節文宣德乙卯

公鏞字繹文永樂丁酉

公錫字賜文景泰庚午

公恂字宗文正統甲子景泰甲戌科進士

公怡字友文天順己卯

公才字希文成化癸卯

五十九代

彥麒字朝祥景泰丙子

彥祿字朝榮成化戊子

彥士字朝臣成化丁酉

六十代

承震字永器弘治戊午

六十二代

聞誥字知敬嘉靖己酉

聞詩字知言萬曆戊午舉人天啓壬戌科進士

聞諤字玄伏天啓辛酉舉人壬戌科進士

聞籍字義純天啓辛酉舉人乙丑科進士

聞擅字 萬曆戊午

六十三代

貞時字中甫萬曆丙午舉人癸丑科進士

貞運字玉橫萬曆壬子舉人己未科榜眼及第

六十四代

尚鉞字震之天啓甲子

尚則字準之天啓丁卯

六十五代

胤圭字伯達天啓甲子

監生

五十五代

克純字德夫

克斆字敏夫

五十六代

希說字士巖

希進字士勉

五十八代

公珏字栗文任曲阜縣知縣

五十九代

彥梯字朝

彥禔字朝

彥述字朝謙任澤州州判

六十代

承渙字永發

承漢字永清

承山字永壽

承復字永靜任安陸衛經歷

六十一代

弘知字以哲

弘幹字以象任魯府審理正進階奉議大夫

弘順字 任高陽縣知縣

六十二代

聞教字知寬任承天府經歷

聞範字

聞謨字 任新鄭縣訓導

聞俊字

六十三代

貞祚字 任漢陰縣知縣

貞芳字

六十四代

尚坦享

之係六十五代符聖公胤植十

尚隔字

尚遜字

歲貢題名

五十六代

希永字士毅任曲阜縣知縣

五十八代

公森字燦文任延津縣知縣

公潤字澤文任桐鄉縣縣丞

公華字寶文任陝西苑馬寺寺丞

公仲字正文任建昌縣縣丞

公杰字佐文任三氏學學錄

公鉉字舉文任三氏學學錄

彦儲字朝祐

彦組字朝授

彦禮字朝節任阜城縣縣丞

彦鵬字朝漢崇慶州吏目

彦雲字朝隆任闕鄉縣訓導

彦珣字朝璽任莊浪衛學教授

彦健字朝乾任舞陽縣訓導

彦珩字朝閔任羅山縣教諭

彦瑄字朝珮

彦倅字朝德任高陽縣教諭

彦厚字朝坤任建德縣訓導

彦訢字朝賢臨兆衛學教授

彦生字朝仁

彦確字朝誠任繁峙縣知縣

彦碩字朝大任懷慶府通判

彦衢字朝亨任三氏學錄

彦嗣字朝昌

彦韋字朝景

彦隆字朝平任周府教授

彦珮字朝鳴任三氏學錄

彦滂字

朝問

六十年代

承朴字承厚任石樓縣知縣

承夏字承功任曲阜縣知縣

承緒字承紹任湯陰縣主簿

承紹字承恩

承瑤字承珮任平鄉縣知縣

承諭字承聽任慮龍縣訓導

承亮字承寅任開封府學教授

承鏐字承從

承禮字承和任舞陽縣主簿

承學字承聚任沛縣主簿

承尹字

承蒲字承瑞應天府學訓導

承前字承述任靈壽縣訓導

承先字承喬任高陽縣知縣

承侗字承冠任保定知縣荆府長史

承茹字承彙任江華縣教諭

承埕字永 任大名府學教授

承季字永 任章丘縣訓導

承仍字永 任蒙陰縣訓導

承儻字永 任大寧都司學教授

承紀字永 任潼關衛學教授

承鏞字永

六十一代

弘鐸字以魯任廣信府推官

弘川字以東任封丘縣知縣

弘毅字以遠任桐廬縣教諭

弘中字以性

弘廊字以仕任曲阜縣知縣

弘盛字以德任如皋縣知縣

弘申字以重任襄陽府通判

弘綿字以延任交河縣主簿

弘煦字以

弘杲字以 任崑山縣丞

弘昇字以 任觀城縣教諭

弘昇字以 任長清縣訓導

弘典字以 任博平縣教諭

弘衍字以 任遂平縣知縣

弘慕字以 任鬱任安樂縣教諭

弘猷字以 任招遠縣訓導

弘賓字以 任德州訓導

弘森字以

弘頤字以

弘轉字以

六十二代

聞炳字

聞德字

任壽陽縣知縣

聞敦字

任宜城縣教諭

聞秀字

任萬全縣教諭

聞仕字

聞定字 任大名府通判陞四川提舉

聞上字

聞舉字

任平原縣教諭

聞諒字

任樂陵縣訓導

聞古字

任德州訓導

聞諦字


任涉縣知縣

聞謹字

任津縣教諭


聞武字  任武城縣訓導


聞旒字  任恩縣訓導


聞宥字 


六十三代

貞樛字  任海州知州


貞棟字  任禹城縣教諭

貞明字  任西和縣知縣


貞志字  任臨清州學鎮


貞璞字  任陳州訓導


貞俊字  任 


貞敬字 


六十四代

尚燁字 

尚文字  任蘭陽縣教諭

尚孝字  任博平縣教諭

尚炳字  任青州府訓導

尚象字 



關里誌卷之十一

林廟誌

叙曰粵自兩楹爰真百代尸祝杏壇屈九重之
 尊馬鬣駐六龍之駕至令一畝之宮麗於天府
 三板之士臚於岱宗豈非並乾坤亘今古而常
 存者乎乃若祥儲坤靈秀毓中和故次尼山之
 祠振響木鐸授華函文故次洙泗之堂藏珠埋
 玉木本水源故次防陰之玄宮此皆丞嘗之區
 松楸之地子孫歲時所奔走而嚴事者也嗟嗟
 丁崇儒重道之朝荆棘無故自除值戎馬倥偬

之日手檜有時而燬是林廟之興廢實氣運不
 泰之一大機括也烏可以弗識哉至於公牙以
 宅宗子賢闕以育間孫皆附廟庭而建置者因
 以類記之作林廟誌



聖先師廟在縣城中東門外故宅也中為
 殿九間徽宗崇寧元年詔殿各七
 間祀夫人元官氏寢殿之東為殿三間西向以
 祀伯魚寢殿之西為殿三間東向以祀子思又
 後為聖蹟殿壁上皆石刻也正殿之前為杏壇
 即講堂遺址也漢明帝幸孔子宅御此說經後
 世因以為壇壇左右為兩廡東廡五十間祀滌
 臺藏明以下五十四位西廡五十間祀必不齊
 以下五十五位杏壇前宋真宗御贊石碑十有
 二又前為大成門門凡五間旁有掖門左曰金
 聲右曰玉振大成門之外有唐宋金元碑各覆
 以亭碑亭之左為居仁門又左為毓粹門是為
 廟東碑亭之右為由義門又右為觀德門是為
 廟西碑亭之前為奎文閣閣凡五間制甚壯麗
 亦謂之藏書樓東西列

製碑亭樓之左右各為掖門三間掖門東為衍
 聖公齋戒所掖門西為有司齋戒所閣前為門
 五間漢魏古碑在焉門之前為大中門三間門

勝宇舊為宋仁宗御書大中門之前有三門故
 金之舊制也三門之前為石橋三以跨壁水石
 橋之前復為大門五間門皆圓洞如城門制東
 西各為一坊勝曰太和元氣坊前為櫺星門東西大道
 石坊勝曰太和元氣坊前為櫺星門東西大道
 也左右各豎下馬牌金章宗明昌二年立門南
 有石坊鐫金聲玉振四字坊與南城門相直城
 門上鐫萬仞宮牆胡纘宗書自廟門以內櫺柏
 手章皆數百年物矣廟之西偏為啓聖公廟前
 為正殿三間後為寢殿三間以貯樂器相傳即夫子
 聖廟前為金絲堂三間以貯樂器相傳即夫子
 故宅魯共王間樂處也宋時建五賢堂於此
 明改建易以今各堂前為啓聖門廟之東偏為
 家廟五間祀先聖二世三世及中興祖俱考妣
 一橫如家禮制孔子孫私祠也家廟之前為
 詩禮堂五間宗子所為糾族宣訓者舊為宋真
 宗駐蹕之所已賜孔氏之族使為齋室
 明更為今各堂前為燕中門其他祭廟神厨牲
 房對不脩列四間為樓以此王公之制廟左為
 道里公第第前為闕里坊古闕里也廟創於魯

哀公十七年漢魏唐宋代有修飾至金皇統大
 定間制乃大脩元至元丁卯大德戊戌至正
 卯凡三修焉
 明洪武初奉

詔修永樂十四年又撤其舊而新之成化十八年
 始廣正殿為九間規制益宏弘治十二年災奉
 詔大加鼎建遣輔臣祭告皆有
 御製碑記嘉靖隆萬以來守臣代有修葺前後各
 有碑記

弘治十二年廟災奉

旨重修大成殿九間

兩簷高七丈八尺闊一十三
 丈五尺深八丈四尺前面石

盤龍柱兩山及後簷俱鑄花石柱中俱楠木攢
 柱圍圓一丈梁標枋嵌俱楠木龍頂天花板四
 百八十六片俱渾金盤龍菱花龜背攝外泊風
 板木柱俱銀硃神龕七座供卓七張并香几俱
 水花硃油漆及與內外枋標斗拱俱用上等青
 綠間金粧繪龕座七處俱須彌樣磨石甃砌蓋

寗俱綠色琉璃鋪地砌墻俱大號方軌城軌露
 臺并臺基兩層俱起花石須彌座石闌干兩層
 俱磨光係吻索四條并馬黃拘寢殿七間附簷
 子包構葉壽山福海俱用銅寢殿七間高六
 丈四尺闊九丈五尺深五丈四圍擎簷俱鑄花
 石柱枋梁標柱俱楠木菱花龜背構扇木柱外
 泊風板俱銀珠供卓香几各一張俱小花珠油
 漆及天花鳳板內外枋標斗拱俱用上等青綠
 間金粧繪龕座須彌樣磨大成門五間高二丈
 石甃砌蓋寗鋪砌同前
 六丈五尺深三丈五尺前後擎簷中間盤龍兩
 傍俱鑄花石柱銀珠油漆門六扇俱用大磨蕨
 銅釘及銅獸面俱貼金戟兩廡連廊共一百間
 二十四枝蓋寗鋪砌同前
 高二丈三尺每廡闊五十五丈三尺深二丈五
 尺窓構與神龕五十五座供卓五十五張俱銀
 珠油漆彩畫用次等青綠蓋寗鋪砌同前
 琉璃珠奎文閣七間三簷高七丈四尺闊九丈
 紅油漆

自柱上兩層長柱俱楠木珠紅油漆閣兩傍各
 彩畫用次等青綠蓋寗鋪砌同前

建便門三間又兩傍空房共三十間舊閣前門

一座五間舊大中門舊三間新添兩間高二丈
 六丈四尺深二丈四尺從

新蓋寗甃砌彩畫油漆兩傍又新添小門各
 一間二門舊門三間朽壞新脩五間高一丈七
 尺闊五丈

四尺深二丈八尺四圍兩傍又新添小門各一
 俱石柱蓋寗鋪砌同前

間石橋三座中闊三丈三尺長五丈兩傍各闊
 一尺長各四丈俱石闌干河岸俱

石甃上大門舊三間新添二間退後二丈兩傍
 砌小墻

寗同前俱上等面墻一堵長五丈五尺用須彌
 青綠間金粧飾

東西牌坊仍舊各三間俱從新蓋寗彩大門內
 畫油漆貼金

東西各新添門三間扁曰快觀仰高蓋窰俱綠

紅油青家廟五間高三丈闊七丈二尺深三丈

綠彩畫六尺前面肇簷中二根盤龍

傍四根鑄花俱石柱松楠桐木間用木柱構扇

俱銀硃神龕四位連座供卓四張并香几俱水

花硃油漆及與內外枋檁十供俱用廟前小便

上等青綠間金粧畫蓋窰鋪砌同前

門三間詩禮堂五間高二丈八尺闊七丈五尺

硃紅油次等青綠彩深四丈二尺松楠桐木間

畫蓋窰鋪砌同前 啓聖殿五間高二丈闊七

丈六尺前面肇簷中二根盤龍傍四根俱鑄花

石柱松楠桐木間用木柱構扇俱銀硃神龕一

位連座供卓一張并香几水花硃油漆及與內

外枋檁斗棋俱用上等青綠間金粧畫蓋窰鋪

砌同廟前小便門三間寢殿三間原移過從新

畫金絲堂五間高二丈八尺闊七丈五尺深四

丈二尺松楠桐木構扇用硃紅

油次等青綠彩舊從新蓋窰神廟二十四間高一丈六尺共面

深各一丈六尺后土祠三間高一丈五尺闊二丈

九間高一丈六尺闊八丈五尺衍聖公齋居一十一間縣官

等齋居一十一間焚帛所一處舊碑亭三座從新

蓋碑亭四座二簷各高三丈五尺石碑三統各

一丈三尺一丈闊七尺一丈厚一尺七寸龍頂

高六尺六寸闊七尺三寸龜跌高四尺五寸長

鬪里牌坊仍舊從新彩

舊廟宅

至聖文宣王廟外二門榜宋仁宗皇帝御篆也
 三門之後曰書樓藏賜書之樓也樓後御路東
 西有二亭其東宋朝脩廟碑其西唐碑次儀門
 門內御輦殿次後曰杏壇杏壇之後即正殿殿
 榜乃仁宗御制飛白也其後鄆國夫人殿殿東
 廡泗水侯殿西廡沂水侯殿祖殿廊西門外齊
 國公殿其後魯國大夫人殿殿後五賢堂祖殿
 廊東門外曰齋廳即宋真宗東封回幸儒廟駐
 蹕之殿真宗待次之所也回鑾次兗州詔去其
 殿制賜木家為廳族人遇祭致齋於此遂名曰

齋廳廳廊之東門外其南客館其北客位齋廳
 之後宅堂孔氏接見賓客之所由客位東一門
 直北曰龔封祀事廳廳後恩慶堂乃孔中丞典
 禮部持會內外親族之所堂之西曰家廟堂之
 南瓦閣曰雙桂堂舜亮宗翰嘗讀書於此皇祐
 元年回賜第故以名之諸位皆列居於祖殿之
 後并恩慶堂之東西舊皆勅脩後以諸位屋宇
 曰正廣皆自營葺矣除諸位外祖廟殿庭廊廡等
 共三百一十六間

金明昌元年有異人履玄白鳥瞻拜先聖於廟

門外竝立石上甚有異色既去其石跡存焉有文曰仙人躋次年有吉脩廟

金泰和八年八月二十七日以先聖降誕之辰前期一日率闔族敬詣尼山廟祭奠日方午刻俄聆殿上當空有樂振作皆金石絲竹之聲凡在一舍間皆聞之駭然蓋德感所致金脩正殿廊廡大中門大成門鄆國夫人殿自皇統大定以來建之其制猶質素至明昌初增後位挾殿殿廡皆以碧瓦爲緣外柱以石刻龍爲文其藻楹之飾塗以青碧每位皆有閣至於欄檻簾櫳

並殊漆之齊國公僅與正位同又泐二代三代祖殿毓聖侯五賢堂奎又閣之屬煥然一新與夫聽堂豐舍門廡凡四百餘楹方之前古於此爲備

金真祐二年正月二十四日北虜犯本廟殿堂廡廊灰燼什伍植檜三株亦遭厄數適有四十

九世孫廟學正瑋洎族人避於其間俄有五色雲覆其上雲中群鶴翔鳴良久而去田夫野老

無不見之

以上俱出孔庭纂要



尼山聖廟在縣東南六十一里尼山之上周顯德中

慶曆癸未文宣公宗原心大建廟宇至順三年衍

聖公思喻請命重建即額尼山書院立學舍祭

出設山長一人奉祀

明洪武十年衍聖公希學永樂十五年知縣克

中萬曆十七年知縣弘復俱重修一其制中為

大成殿五間以奉夫子後為寢殿三間以祀夫

人東廡三間以祀伯魚西廡三間以祀子思廟

之後為書院廟之西北為啓聖廟廟後有寢殿

以祀聖母顏氏外有重門有周垣垣之外西南

有毓聖侯廟以祀山神宋皇祐三年封尼山為

毓聖侯云正德二年衍聖公間詔奏准改山

長為學錄職銜



洙泗書院

聖廟

舊名先聖講堂在林之東二里許

諸弟子房舍并非完猶存周敬王三十六年先

聖自衛友魯於此刪詩書定禮樂擊周易魯記

所載孔子講堂即此漢光武東巡過魯坐孔子

講堂是也至元曲阜尹克欽因舊址創建請額

為洙泗書院故山長一人奉祀野人宋元隆記

嘉靖三年山東巡按李獻重修撰呂楠記一

其制正殿三間中祀先聖四配十哲東西相向

東廡三間西廡三間以祀群弟子書院在廟之

後今廢外有重門門外有石坊榜曰洙泗書院

門外一石湖鑄洙泗書院四字元至正十年山

長豁議達書正德二年衍聖公聞詔奏准改

山長為學錄職銜

先聖林

在縣城北

前枕舊魯城林門與縣北門相

直夾路檜柏森然圍徑數十里繚以周垣永樂

間知縣克中創建之垣也林木茂密多不知名

其中楷木縱橫有文為世所貴無荆棘無鳥巢
豈紫陽所謂將吾道終不可沒蕪而鳳鳥有時

而至者與魯世世相傳以歲時奉祀孔子冢一

吏四人月與除佐唐開元十三年車駕至魯遣

使以太牢祭其墓五代周廣順二年敕禁樵採

宋徽宗大觀元年立賞錢十貫禁樵採林木許

人告提一秦始皇伐林墓得虛墓五間皆石為

之堅不可動有白兔出其中逐之而沒遂不敢

發金精沒陽入讓慶府軍士欲發孔子墓嗚問

通事高慶齋曰孔子何人曰古之大聖人也嗚

曰大聖人墓安可發誅軍士金天會七年大元

帥駐兗州登杏壇奠拜復詣聖林適軍士有發

泗水侯墓者方深尺餘命執縛謁陵周覽訖以

伐墓十二人至廟南十里外悉誅之

先聖墓

在林中央墓前有碑史記孔子葬魯城北

冢上北六年弟子及魯人從而冢者百餘室王

充論簡曰孔子嘗泗水而葬泗水為之御流春

秋演孔圖曰鳥化為書孔子奉以告天赤爵

書上化為黃玉刻曰孔提命作應法為赤制孔

子卒以所受黃玉葬魯城北孔塚子曰夫子墓

塋方一里在城北六里泗水上諸孔氏封五十

餘所人名昭穆不可復識有銘碑二所獸碣俱

存一皇覽曰孔子冢去魯城一里冢塋百畝塋

中不生荆棘刺人草樹以百數皆遠方弟子各

持鄉土異種所植魯人世世無能名者墓高丈

餘前為石壇其厚三尺方亦如之壇石縱橫各

七其數四十有九墓前一室東南向相傳子貢廬

墓處也外有壻垣環之墓之東南為享殿三間

殿前翁仲二左執笏右帶劍石麟石虎四華表

間門之左為思堂壁上石刻唐宋時物也有宋

直宗驛亭門之前為泺水水上有橋橋東有

輦路南為觀樓樓在周垣之上魯故北城也

樓南為林坊扁曰宣聖林坊之前為大石坊五

洞鑄萬古長春四字萬曆二十二年山東撫按

鄧汝壁 連標建

伯魚墓

在先聖墓東少南相去僅數步墓前有碑鐫泗水侯墓孔子商人蓋尚右也

子思子墓

在先聖墓南相去數十步墓前有碑鐫沂國述聖公墓

泗水令墓

在孺垣外之西北葬四十二代孫光嗣中興祖之父也

中興祖墓

在孺垣之外先聖墓東北葬四十三代孫仁王

封隴西郡太李氏墓

在殿中丞墓之前中興祖夫人也

殿中丞墓

在先聖墓西南葬四十四代孫宜

工部侍郎墓

在泗水令墓之西北葬四十四代孫昂

諫議大夫墓

在中丞墓之西北葬四十五代孫延澤

御史中丞

在員外墓之西南葬四十五代孫道輔張宗益有銘

尚書比部員外郎墓

在諫議大夫墓之西北葬四十六代孫宗憲

文肅公墓

在先聖墓西北葬衍聖公思瞻今公爵之始襲封者也

祭酒公墓

在文肅墓之西北葬文肅之子克堅自此而西北行穴皆歷代宗子塚也

不脩載其餘族人皆環孺垣之外葬之二三千年無異處者其周禮墓大夫之遺與

啓聖林

在縣東二十里叔梁大夫與顏氏合葬墓南負防山北臨泗水禮所謂台葬於防者

是也墓前有齊國公廟廊廡重門俱脩金明昌

甲辰衍聖公元措立石表其神道溢津高翻書墓之東南南三步許伯皮墓在焉永樂間知縣希

範立石

襲封衍聖公府

附聖廟東與廟墻臨洪武十年衍聖公希學奉

勅

創建弘治十六年重修其制頭門三間二門三

間二門內有儀門儀門之北正廳五間東西司

房各十間後廳五間穿堂與正廳相連退廳五

間東西廊房各五間左爲東書房右爲西書房

退廳東南為家廟祀高魯祖禰五代衍聖公退聽之後為內宅樓閣房室不能具載

孔顏曾孟四氏學附嚴封公府南魏黃初二年

殿中丞勗知縣事奏准就廟側建學稱為廟學云延祐間又益以顏孟二氏至

明洪武二年改為三氏子孫教授各生止入學習禮未有生員之名亦不勾當公務或有以儒

士應試京闈者或有以儒士由府學應試者正統九年衍聖公彥縉始題


化元年衍聖公弘緒奏准降到三氏學印一題始名三氏學創開歲貢之例嘉靖十年兩院

題准照州學例廩增各三十名然未有廩米也二十年題准加廩米三百七十三石二十

三年復加膳夫六名萬曆十五年兩院奏准又益以魯氏改鑄四氏學印今名四氏學云其

制有頭門有二門左右兩角門明倫堂五間東齋五間曰啓蒙西齋五間曰養正後堂五間再

後堂五間曰公子號房衍聖公膺襲讀書處東為教授宅西為學錄宅萬曆十年遷建于按察



知州孔... 萬曆四十五年遷

尼山川誌

叙曰吾天子之生也苞兩儀之間氣應五百之
 昌期靈符頽府司命牛涔效職而後神降尼丘
 哉然蓬壺東來脉注於筆牀之峰雩沂西去源
 發於五老之麓洙泗之流環合迴伏如結禴帶
 風氣所都實寓內之陸海神臯矣則夫鍾靈毓
 秀濬哲發祥豈一無所借資而然耶謹按圖經
 表而出之闡篤生之自也其視太乙高近天都
 徒滋華士之偽隱昆明空虛夜月間增騷人之
 悲歌者未可同類而共稱矣無關聖蹟者不書

作山川誌

尼山

在縣東南六十里卽顏母所禱處也其東有顏母山其西有昌平山山脉皆自泰山來其外衆山連絡環拱不可勝數若尼山之翼云一祖庭廣記曰顏氏禱于尼丘升之谷草木之葉皆上起降之谷草木之葉皆下垂其山五峰連峙謂之五老峰中峰卽尼丘迥出霄漢間所謂圻其頂者此也中峰之麓有先聖廟廟北爲中和壑壑上有觀川亭子在川上處壑下沂水出焉水

經註曰沂水出魯城東南尼丘山西北是也流而下注爲智源溪溪流而南其上爲坤靈洞洞有三門中爲一室廣可兩楹內有石床石枕石几皆天成也元皇慶間廟戶管用吉成入而見之鄒尹司居敬因刻孔子石像於中其後爲兵所損子孫奉之葬於山巔過溪而東有文德林宋仁宗皇佑二年以孔子誕生之地封山神爲毓聖侯有御製碑記宋直宗東封王欽若言祭尼丘山上有紫雲氣長八九丈詔遣入內殿頭楊懷玉祭謝一金泰和八年八月二十七日以先聖誕辰前期一月宗子率合族詣尼山廟祭奠日方午俄聞空中有響作皆金在絲竹之聲凡在一舍間皆聞之出

庭廣記

顏母山

在尼山東三里兩山相對中隔沂水上有顏母

井及祠堂遺址魏地形志云魯縣有顏母祠堂迄今尚存焉

昌平山

在尼山之西五里史記孔子生魯昌平鄉卽此

今名魯原村

防山

在廟東三十里周圍八里高二里直山之北三

里餘乃齊國公墓先聖母孺人輓父之毋告

在縣南門外曾點浴乎沂夫子曰吾與點也發

源尼山之麓西北流逕縣城南又西流至兗州

府城東入於泗水水經所謂魯雲門也河南岍

有舞雩臺按以上三水皆入漕運亦國家有用之水也



陽里記 卷之十一

先聖父墓子曰古者不祔葬焉為不忍先死者
之復見也詩云死則同穴自用公以來祔葬矣
吾從魯遂合葬於防封之崇四尺今墓前有齊
國公廟廊廡祭亭凡二十餘間每歲時子孫饗
祭焉在縣東二十里高三里峰如筆床記云孔
子父母合葬於防此也

洙河

在縣北二里卽泗水分流也水經出泰山蓋縣
西南至卞縣受盜泉水盜泉水出卞城東北卞山
之陰又西南流于下城西合于泗水至魯縣東

北分爲二水北爲洙濟春秋莊公九年冬浚洙
是也按今洙水與泗水不通上源在聖林之東
止一溝瀆似古魯城之隍也穿聖林而橫
流過先聖墓前出林復西南流入于沂其故道
不可考矣

泗河

在縣北八里先聖林之後國語宣公夏濫於泗
淵里革斷罟棄之韋昭云在魯城北是也由泗
水縣陪尾山發源來入境逕齊國公墓後又逶
先聖林之後西南流至兗州府城東沂水來入
之達于濟寧天井間入漕

沂河

古蹟誌

叙曰闕里列在職方雖蕞爾如斗乎爰自黃帝
定鼎姬公分茅迨至春秋玉書肇瑞水精降神
夫子生而爲萬世教主焉固帝王之舊墟實賢
聖之奧區也故覆載照臨之下戴髮含齒之倫
有不仰尼防若金湧沂洙泗若銀漢者乎紅杏
之壇緇帷之林有不睽之若玉京而望之若仙
都者乎弧矢粉榆之鄉一事一物凡經吾夫子
所履有不驚觀天球夜光愛而慕之者乎寧與
廢苑荒城故宮斷碣令人墮峴山之淚增離黍

之悲者同日語哉後之君子入門墻可遺蹟可求觀遺蹟而景行是思矣作古蹟誌

關里 漢晉春秋曰關里者夫子之故宅也在魯城中又云魯縣有二石關曰關里蓋里門也按

關里辨云古今稱關里者其說各異所言二石關曰關里其謬遠矣自先聖作春秋成號稱素

王關里者素王之庭除也不曰鄉里而曰關里蓋謂聖人講道之庭諸弟子尊稱也歷代帝王

之庭曰帝關曰金關曰玉關曰鳳關皆庭帝王稱也聖人之庭曰關里以別郡祠之稱耳後漢

鮑永為魯郡太守孔子關里無故荆棘自除從講堂至里門愚故曰蓋里門也

杏壇 在先聖殿前即先聖與弟子授受之遺址也杏壇碑金懷英書

兩觀 在古魯城雉門之外周圍各四十步高二丈東西相去一百步杜預注雉門公宮之南門兩觀闕也春秋定公二年先聖為魯司寇攝行相事誅少正卯於兩觀之下是也

矍相圃 在廟西南一百二十步周圍二里昔先聖射於矍相之圃觀者如堵晉太康志曰矍相圃在魯城內縣西南近孔子宅是也今圃中猶存舊井皆石為之泰和四年衍聖公元措築臺於中今改為儒學

五父瞿 在廟東南五里昔聖母殯於五父之衢此也

端門 在聖廟東南夫子疾謂子貢曰端門當有赤書子貢候之果然書曰趣作法孔聖沒周姬

二慧星出秦人滅胡亥術書既散孔不滅子貢以告因往觀之化為赤鳥飛去蓋緯書依托之辭也

講堂 即今洙泗書院也舊名孔子講堂內有硯臺井詳見林廟誌

魯親里 聖母顏氏之所居也

安樂里 聖配元官氏之所居也漢永壽二年魯相韓叔節以聖族之親禮所宜異復其邑中

韓叔節以聖族之親禮所宜異復其邑中

繇發有碑記惜歷年久遠二里之名雖存而其地不可考矣

昌平鄉在昌平山下夫子所生之地也今名魯原村

顏母井在顏母山中遺址猶存春秋祭尼山之日遣族人祭其井云

孔瀆于寶搜神記云孔子生於空桑之地今名孔瀆在魯南山之穴其言雖誕而不可信或者以孔瀆為孔竇歟今其地不可考想相去顏母井不遠一按魯相史晨救瀆井復民節治桐車馬于瀆上擬守并舍吏四人月與佐除時漢建寧二年也

昌平亭漢建寧二年魯相史晨碑記伏念孔瀆顏母井去市道遠酤買不能得香酒美肉今於昌平亭下立會市一按亭名昌平是以昌平山得名也故址在昌平山下今廢

廟西南二百步魯城有門曰歸德世傳四方諸侯慕先聖之德而至者多入此門故魯人因以

名之魯城之西南隅即先聖之舊宅也

昔魯人沒海漂

泊而失津至於澶州遇先聖七十子遊於海上指以歸途始告魯公築城以備寇魯人歸以告魯侯侯以為誕俄有群鵲數萬啣土培城侯始信乃城曲阜訖而齊寇果至專載十六國春秋

廟東南二里魯城有門曰高門昔齊人選女子

文馬遣魯君陳於高門外者是也

廟東三里有廢井圍五丈三尺深八十尺石為

之相傳季桓子穿井得缶中若羊問先聖者也

魯壁

夫子舊宅也今為韞國夫人殿按世家孔子卒諸儒講鄉射於夫子所居堂魯哀公因立

為廟後世即其殿藏先聖衣冠琴瑟車書至漢太史公適魯觀先聖廟堂車服禮樂諸生習禮於其家低回不忍舍去漢魯共王好治宮室壞孔子舊宅以廣其居聞金石絲竹之聲乃不敢

壞於其壁中得古文經書此也宋王偁僞有銘

手植檜 兩株在贊德殿前高六丈餘圍一丈四尺

南陽高五丈餘圍一丈三尺其枝蟠屈如龍形

世謂之再生檜晉永嘉三年枯死隋義寧元年

復生唐乾封二年又枯死宋康定元年復生金

貞祐甲戌北虜犯祖廟焚及三檜遺四十九世

孫廟學正塘泊族人避兵于廟俄有五雲雲覆

其上雲中群鶴翔鳴良久而散幸收煨燼之餘

能命工刻為先聖容暨從祀賢像召銜聖公元

世宗至元二十三年導江張頌來為教授甲午春

東廡頌址魔隙間茁焉其芽躬徙復於故處矣

之曰此檜曰茂則孔氏日興明年春翠色葱然

又明年丙申秩滿去喜其言之有徵也因識以

銘據是年距我朝洪武改元僅七十五年檜之復生乃開我中

原盛治兆也迨洪治已未聖廟災復燬至今百

餘年雖無枝葉而直幹挺然狀如銅鐵皮生苔

夫子甕 漢鐘離意為魯相出私錢萬三千付戶曹

男子張伯除堂下草中得玉璧七枚伯懷其一

以六枚白意意令主簿安置几前其堂下床首

有懸甕意召前問答曰夫子甕也背有丹書人

莫敢發發意曰夫子所以遺甕欲以垂示後人因

發之得素書文曰後世修吾書董仲舒護吾車

拭吾履發吾笥會稽鍾離意壁有七張伯懷其

孔子春秋臺 在曲阜縣南十里一郭景純注述異

孔子石硯 夫子故宅廟屋三間牀前有石硯一枚

注一顏師古隋遺錄

夫子石硯 制甚古朴蓋夫子平生時物也一水經

孔子履晉武庫火張華恐趙王倫為變列兵固守
然後救之故歷代之寶及孔子履悉焚焉
一晉書

孔林石龕子思墓前一龕徑三寸深半寸前漢居攝元年二月造有日上谷府卿者有曰
祝其卿者字甚古拙餘字剥落

孔林古楷在至聖林亭殿後高四丈五尺圍一丈枯而不朽水經註孔子既葬弟子異國
各持其土所宜植於墓前此蓋子貢植也

孔里譙周曰孔子沒魯人就冢次而居者百有餘室因名曰孔里云

石壇昔先聖沒弟子於冢前以瓦甃為壇方六尺至後漢永壽元年魯相韓叔節始易之以石
方三尺厚加之縱橫各七其數四十有九四面

靈星堂在夫子墓西東面後人因子貢廬墓建堂三間曰曰子貢廬墓處


白兔潛發冢有白兔出於中始皇逐之至曲阜西八里溝而沒魯人因名其溝曰白兔

冢壁秦始皇既焚書坑儒乃毀孔子墓欲取經傳墓既啓見冢壁上刻文云秦始皇何強梁開

吾戶據吾牀飲吾漿嚼吾堂食吾飯以為糧張
吾弓射東牆前至沙丘當賊亡始皇甚惡之憤
欲發墓聞墓內琴聲遂不敢動乃東游遠沙丘
而循別路見郡小兒攢沙為阜問之何為答曰
此為沙丘也從此得病而亡或云孔子將此遺
書曰後世有箇小兒即不知誰家子自謂秦始
皇上我堂據我牀顛倒我衣裳行至沙丘而亡

經蹕亭在先聖墓道東宋真宗東封駕請闕里顧問先聖時何在子孫引導鑿輿至林奠謂
畢坐於亭上宣兩府及兩制賜茶亭有古碑字
多殘闕帝命詞臣拂蘇辨認盤桓久之今輦路
與亭俱有

寬政庚申



陽明書
卷之十一
一

陽明書

卷之十一

一

